

W1-2	Assignatura	Araling Panlipunan	Baitang	8
	Markahan	Ikaapat	Petsa	

I. PAMAGAT NG ARALIN	Ang Unang Digmaang Pandaigdig
II. MGA PINAKAMAHALAGANG KASANAYANG PAMPAGKATUTO (MELCs)	Nasusuri ang mga dahilan, mahahalagang pangyayaring naganap at bunga ng Unang Digmaang Pandaigdig
III. PANGUNAHING NILALAMAN	Ang mga epekto ng Unang Digmaang Pandaigdig (WEEK 1-2) Sanggunian: Modyul ng Mag-aaral Araling Panlipunan Kasaysayan ng Daigdig, pahina 446-469 Learning Resource Material

IV. YUGTO NG PAGKATUTO AT MGA GAWAING PAMPAGKATUTO

I. Panimula (Mungkahing Oras: 30 minuto)

Sa nakalipas na aralin, natutuhan mo ang Pagsibol ng Nasyonalismo at iba't ibang bahagi ng daigdig gayundin ang mga pamamaraan kung paano naipahayag ang pagpapahalaga dito.

Sa araling ito ay iyong malalaman ang mga dahilan at pangyayaring nagbigay-daan sa Unang Digmaang Pandaigdig, gayundin ang matinding epekto nito na nag-iwan nang malalim na sugat at aral sa kasaysayan ng sangkatauhan.

Bilang mag-aaral ikaw ay inaasahan na;

- Naibibigay ang mga konseptong may kaugnayan sa Unang Digmaang Pandaigdig;
- Natutukoy ang mga sanhi/dahilan ng Unang Digmaang Pandaigdig;
- Naiisa-isa ang mga pangyayaring nagbunsod sa Unang Digmaang Pandaigdig; at
- Natataya ang mga epektong/bungang dulot ng Unang Digmaang pandaigdig.

Gawain sa Pagkatuto Bilang 1: Konseptong Nais Ko, Hulaan Mo (Kasaysayan ng Daigdig, pahina 446-447)

Basahin ang mga *clue* sa bawat bilang. Tukuyin ang mga konseptong inilalarawan sa pamamagitan ng pagpupuno nang wastong letra sa loob ng mga kahon.

1. Pagkakampi ng mga bansa.

A			Y					A
---	--	--	---	--	--	--	--	---

2. Pagpapalakas ng mga hukbong sandatahan ng mga bansa sa Europe.

M			I	T	A			S		O
---	--	--	---	---	---	--	--	---	--	---

3. Panghihimasok ng makapangyarihang bansa sa mahinang bansa.

I		P			Y		L			O
---	--	---	--	--	---	--	---	--	--	---

4. Pagmamahal sa bayan.

N		S			N		L			M
---	--	---	--	--	---	--	---	--	--	---

5. Bansaang kaalyado ng France at Russia.

G				T	B			T		N
---	--	--	--	---	---	--	--	---	--	---

6. Organisasyon ng mga bansa pagkatapos ng Unang Digmaang Pandaigdig.

	E			E	F		A		O	
--	---	--	--	---	---	--	---	--	---	--

7. Kasunduang nagwakas sa Unang Digmaang Pandaigdig.

V			S			I		L		S
---	--	--	---	--	--	---	--	---	--	---

8. Ang entablado ng Unang Digmaang Pandaigdig.

			R			P	
--	--	--	---	--	--	---	--

9. Siya ang lumagda sa Proclamation of Neutrality.

W			D		O				L		N
---	--	--	---	--	---	--	--	--	---	--	---

10. Alyansang binubuo ng Austria, Hungary, at Germany.

T				L	E		L		I		N		E
---	--	--	--	---	---	--	---	--	---	--	---	--	---

Gabay na Tanong:

- Ano ang kaisipang nabuo mula sa mga salita?
- May magkakaugnay bang salita? Kung mayroon, paano ito nagkaugnay?
- Ano ang kaugnayan nito sa naganap na Unang Digmaang Pandaigdig?

D. Pagpapaunlad (Mungkahing Oras: 60 minuto)

Sa isinagawang pagtalakay at pagsagot ay nagkaroon ka ng kamalayan sa mga konseptong may kaugnayan sa Unang Digmaang Pandaigdig. Sa bahaging ito ay matutuklasan mo naman ang mga Dahilan at Bunga ng Unang Digmaang Pandaigdig na nag-iwan nang malalim na sugat sa kasaysayan ng sangkatauhan.

Basahin ang Aralin 1. Unang Digmaang Pandaigdig sa Modyul ng Mag-aaral, Araling Panlipunan II, pahina 446-469

Ang Unang Digmaang Pandaigdig ay tinawag na The Great War dahil ito ang kauna-unahang malawakang digmaan na nagpabago sa takbo ng kasaysayan ng daigdig na nagsimula noong 1914 hanggang 1918.

Mga Sanhi ng Unang Digmaang Pandaigdig

1. **Nasyonalismo** - ang damdaming nasyonalismo ay nagbubunsod ng paghahanap ng mga tao upang maging malaya ang kanilang bansa. May mga bansang masidhi ang paniniwalang karapatan nilang pangalagaan ang mga kalahi nila kahit nasa ilalim ng kapangyarihan ng ibang bansa.
2. **Imperyalismo** - isa itong paraan ng pag-angkin ng mga kolonya at pagpapalawak ng pambansang kapangyarihan at pag-unlad ng mga bansang nasa Europe. Ang pag-uunahan ng mga makapangyarihang bansa na sumakop ng mga lupain at magkaroon ng kontrol sa pinagkukunang-yaman at kalakal ng Africa at Asia ay lumikha ng samaan ng loob at pag-aalitan ng mga bansa.
3. **Militarismo** - upang mapangalagaan ang kani-kanilang teritoryo, kinakailangan ng mga bansa sa Europe ang mahuhusay at malalaking hukbong sandatahan sa lupa at karagatan, gayundin ang pagpaparami ng armas.
4. **Pagbuo ng mga Alyansa** - Dahil sa inggitan, paghihinalaan, at lihim na pangamba ng mga bansang makapangyarihan, dalawang magkasalungat na alyansa ang nabuo, ang Triple Entente at ang Triple Alliance.

Ang Pagsisimula at Pangyayari sa Unang Digmaang Pandaigdig

Ang krisis na naganap sa Bosnia noong 1914 ang naghudyat sa pagsisimula ng Unang Digmaang Pandaigdig. Noong Hunyo 28, 1914, pinatay si Archduke Franz Ferdinand at ang asawang si Sophie Von Chotek ni Gavrilo Princip habang sila ay naglilibot sa Bosnia na noon ay sakop ng Imperyong Austria-Hungary.

1. **Ang Digmaan sa Kanluran** - dito naganap ang pinakamainit na labanan noong Unang Digmaang Pandaigdig
2. **Ang Digmaan sa Silangan** - lumusob ang Russia sa Prussia (Germany) sa pangunguna ni Grand Duke Nicholas,
3. **Ang Digmaan sa Balkan** - lumusob ang Austria at findo ang Serbia pagkaraan ng ilang buwan. Noong taong 1916, karamihan sa mga estado ng Balkan ay napasailalim nang Central Powers. Ang Italy naman ay tumiwalag sa Triple Alliance at nanatiling neutral
4. **Ang Digmaan sa Karagatan** - sa unang bahagi ng digmaan ay nagkasubukan ang mga hukbong pandagat ng Germany at Great Britain. Naitaboy ng mga barkong pandigma ng Germany mula sa Pitong dagat (Seven Seas) ang lakas pandagat ng Great Britain.

Mga Naging Bunga ng Unang Digmaang Pandaigdig

Matinding pinsala ang naidulot ng Unang Digmaang Pandaigdig sa buhay at ari-arian. Tinatayang umabot ng 8,500,000 katao ang namatay sa labanan. Nasa 22,000,000 naman ang tinatayang nasugatan. Samantalang 18,000,000 ang sibilyang namatay sa gutom, sakit, at paghihirap. Napakaraming ari-arian ang nawasak at naantala ang kalakalan, pagsasaka, at iba pang gawaing pangkabuhayan. Ang nagastos sa digmaan ay tinatayang umabot sa 200 bilyong dolyar.

Mga Kasunduang Pangkapayapaan

Umisip ng paraan ang mga nanalong bansa upang maiwasan ang digmaan na pinaniniwalaan nilang salot sa kapayapaan. Bumalangkas sila ng kasunduang pangkapayapaan sa Paris noong 1919-1920. Ang pagpupulong na ito ay pinangunahan ng mga pinuno na tinatawag na *Big Four* (Woodrow Wilson ng US, George Clemenceau ng France, David Lloyd George ng Great Britain at Orlando Vittorio ng Italy). Ang pangunahing nilalaman ng mga kasunduan ay ibinatay sa Labing-Apat na Puntos (Fourteen Points) ni Pangulong Woodrow Wilson.

Ang Labing-Apat na Puntos ni Pangulong Wilson

Binalangkas ni Pangulong Wilson noong Enero 1918 ang labing-apat na puntos na naglalaman ng mga layunin ng United States sa pakikidigma. Naglalaman din ito ng kaniyang mga ideya tungkol sa isang "kapayapaang walang talunan" para sa kapakinabangan ng lahat ng bansa.


Ang Liga ng mga Bansa

Ang pagkakaroon ng isang pandaigdigang samahan ng mga bansa ay matagal nang pangarap ni Pangulong Wilson. Sa wakas, nagtagumpay siya sa panghihikayat sa mga pinuno ng mga bansang alyado, naitatag at sumapi sa Liga ng mga Bansa.

Mga Lihim na Kasunduan Lingid sa Kaalaman ni Pangulong Wilson

Lingid sa kaalaman ng Great Britain, France, at iba pang bansa, ang ibang miyembro ng Alyado ay gumawa ng kasunduan. Nagdesisyon silang hatiin ang kolonya at teritoryo ng Central Powers. Halimbawa, pinangakuan ang Italy ng teritoryong hindi naman nito sakop. Ang Turkey naman ay maaaring paghati-hatian ng ibang maiimpluwensiyang bansa.

Punan ng impormasyon ang Fact Storming Web sa ibaba. Pagkatapos, sagutin ang mga gabay na tanong.



1. Ano ang naging batayan mo sa pagsagot ng gawain?
2. Bakit kaya nagkaroon ng digmaan?
3. Ipaliwanag ang mga posibleng mangyari sa panahon ng digmaan.

Punan ng mahalagang impormasyon ang tsart sa ibaba. Sa unang kolum, mababasa ang mga mahahalagang kaganapan na nagbunsod sa Unang Digmaang Pandaigdig; sa ikalawang kolum isulat ang mga katangian nito; at sa ikatlong kolum kung ano ang naging epekto nito sa sangkatauhan.

Mahalagang Pangyayari	Katangian/Pangyayari	Epekto
a. Sanhi ng Unang Digmaang Pandaigdig		
1.Nasyonalismo		
2.Imperyalismo		
3.Militarismo		
4.Pagbuo ng mga Alyansa		
b.Pagsisimula at Pangyayari sa Unang Digmaang Pandaigdig		
1.Digmaan sa Kanluran		
2.Digmaan sa Silangan		
3.Digmaan sa Balkan		
4.Digmaan sa Karagatan		
c.Mga Bunga ng Unang Digmaang Pandaigdig		
1.Kasunduang Pangkapayapaan		
2.Liga ng mga Bansa		
3.Mga Lihim na Kasunduan		

1. Mula sa teksto, paano naging dahilan ang Imperyalismo at militarismo sa naganap na Unang Digmaang Pandaigdig?
2. Sa mga nabanggit na sanhi/dahilan ng Unang Digmaang Pandaigdig, alin ang masasabi mo na nagpatindi ng sitwasyon at nagdulot ng malaking epekto sa mga bansa? Ipaliwanag.
3. Bilang isang mag-aaral, sa iyong palagay, naging sapat ba ang mga naging kasunduan upang mawakasan ang Unang Digmaang Pandaigdig? Ipaliwanag.

Gamiting gabay ang binasang teksto tungkol sa Kasunduang Pangkapayapaan at Liga ng mga Bansa upang makabuo ng mga ideya na isusulat sa *cloud callout*. Sikaping makabuo ng ideya na nagpapakita ng pagsisikap ng mga pinuno ng mga bansa na mawakasan ang Unang Digmaang Pandaigdig. Bigyang-pansin ang mga hakbang na kanilang ginawa upang wakasan ang digmaan.



Woodrow Wilson -US



David Lloyd George-
Great Britain



Vittorio Orlando- Italy



George Clemenceau- France

1. Paano ipinakita ng mga lider ang kanilang paghahangad sa kapayapaan?
2. Kung isa ka sa kanila, gagawin mo rin ba ang kanilang ginawa? Bakit?

3. Sa iyong palagay, epektibo ba ang kanilang hakbang upang makamit ang tunay na kapayapaan?

E. Pakikipagpalihan (Mungkahing Oras: 30 minuto)

Gawain sa Pagkatuto Bilang 5. Magpaliwanag Tayo (Kasaysayan ng Daigdig, pahina 463)

Ang sumusunod na pahayag ay binanggit ng mga lider na nakilala noong Unang Digmaang Pandaigdig. Bumuo ng 2 hanggang 3 pangungusap upang ipaliwanag ang kahulugan ng bawat pahayag sa pamamagitan ng pag-uugnay nito sa paksang tinalakay.

Pahayag	Paliwanag
1."Ang United States ay lumahok sa digmaan upang gawing mapayapa ang mundo para sa demokrasya". - Woodrow Wilson	
2."Ang mga alitan ay dapat na lutasin hindi sa pamamagitan ng kumperensiya kundi sa pamamagitan ng dugo at bakal". - Otto von Bismarck	
3."Lahat ng ilawan sa Europe ay nawalan ng liwanag, at hindi natin makikita ang kanilang pag-iilaw na muli sa loob ng mahabang panahon". - Edward Grey	

A. Paglalapat (Mungkahing Oras: 30 minuto)

Gawain sa Pagkatuto Bilang 6. Bayan Ko, lingatan Ko, Pandemya, Lalabanan Ko!

Sa gawaing ito, bigyang pansin ang kasalukuyang kinakaharap ng ating bansa. Ipamalas ang sanhi/dahilan at ang bunga/epekto nito sa bawat isa. Pumili ng isa sa mga malikhaing paraan gaya ng "Tik-Tok", "Vlog", "digital art", "news reporting", o "spoken poetry", tula, talata. Isulat ito sa sagutang papel o ipasa sa pamamagitan ng "digital format" kung nanaisin.

Pamantayan sa Pagmamarka(Rubric)

Pamantayan	Puntos
1.Nilalaman	5
2.Pagkamalikhain	5
3.Kaangkupan sa Paksa/Tema	5
4.Kalinisan at kaayusan	5
KABUUAN	20

V. PAGTATAYA (Mungkahing Oras: 15 minuto)

(Ang mga Gawain sa Pagkatuto para sa Pagpapayaman, Pagpapahusay, o Pagtataya ay ibibigay sa ikatlo at ikaanim na linggo)

Suriin ang pagungusap sa ibaba. Lagyan ng tsek (✓) kung ito ay epekto ng Unang Digmaang Pandaigdig at ekis (X) kung hindi.

- Ang bansa ay nakaranas ng matinding pinsala pagkalipas ng Unang Digmaang Pandaigdig.
- Malayang nakapamuhay ang mga mamamayang Pilipino noong taong 1914 hanggang 1918.
- Ang digmaan ang naging daan upang magkaisa ang mga Pilipino.
- Maraming ari-arian, kabuhatan, pamilya ang nawasak dulot ng digmaan.
- Ang Kasunduang Pangkapayapaan sa Paris noong 1919-1920 ay binalangkas upang maiwasan ang Digmaan.

VI. PAGNINILAY (Mungkahing Oras: 15 minuto)

- Ipabatid ang iyong personal na pagtatasa sa kard ayon sa lebel ng iyong performans.

Personal na Pagtatasa sa Lebel ng Performans Para sa Mag-aaral

Pumili ng isa sa mga simbolo sa ibaba na kakatawan sa iyong naging karanasan sa pagsasagawa ng mga gawain. Ilagay ito sa Hanay ng LP o Lebel ng Performans. Basahin ang deskripsiyon bilang gabay sa iyong pagpili:

☐ - Nagawa ko nang mahusay. Hindi ako nahirapan sa pagsasagawa nito. Higit na nakatulong ang gawain upang matutunan ko ang aralin.

▲ - Nagawa ko nang maayos. Ngunit nahirapan ako nang bahagya sa pagsasagawa nito. Nakatulong ang gawain upang matutunan ko ang aralin.

? - Hindi ko nagawa ang mga gawain at nahirapan ako nang labis sa pagsasagawa nito. Hindi ko naunawaan ang hinihingi sa gawain. At kailangan ko pa ng paglilinaw o dagdag kaalaman upang magawa ko ito nang maayos o mahusay.

Gawain Sa Pagkatuto	LP	Gawain Sa Pagkatuto	LP	Gawain Sa Pagkatuto	LP
Bilang 1		Bilang 3		Bilang 5	
Bilang 2		Bilang 4		Bilang 6	

VII. SANGGUNIAN

Modyul ng Mag-Aaral
Araling Panlipunan
Kasaysayan ng Daigdig pahina 446 - 469

Inihanda ni:

CHERRY AMOR P. MAGTAAN

Sinuri nina:

ALMA A. BALAJADIA
FE J. ROSARIO
JEANNETTE P. ABELLA
ARLEEN D. CANAPI
JUVELANT D. JAVIER

W 3-4	Asignatura	ARALING PANLIPUNAN	Baitang	8
	Markahan	IKAAPAT	Petsa	

I. PAMAGAT NG ARALIN	ANG IKALAWANG DIGMAANG PANDAIGDIG
II. MGA PINAKAMAHALAGANG KASANAYANG PAMPAGKATUTO (MELCs)	Nasusuri ang mga dahilan, mahahalagang pangyayaring naganap at bunga ng Ikalawang Digmaang Pandaigdig
III. PANGUNAHING NILALAMAN	<ul style="list-style-type: none"> Mga Sanhi ng Ikalawang Digmaang Pandaigdig Ang Pagsiklab ng Ikalawang Digmaang Pandaigdig Mga Bunga ng Ikalawang Digmaang Pandaigdig

IV. YUGTO NG PAGKATUTO AT MGA GAWAING PAMPAGKATUTO

A. Panimula (Mungkahing Oras: 30 minuto)

Sa nakalipas na aralin ay natalakay at naunawaan mo ang mga dahilan at pangyayaring nagbigay daan sa Unang Digmaang Pandaigdig, gayundin ang mga usapin ng mga bansang sangkot sa digmaan.



Sa araling ito ay iyong malalaman ang mga mahahalagang pangyayaring naganap at bunga ng Ikalawang Digmaang Pandaigdig.

Tatalakayin dito ang mga konseptong may kinalaman sa mga pangyayari, dahilan at bunga ng Ikalawang Digmaang Pandaigdig

- Naibibigay ang konsepto na may kinalaman sa ikalawang digmaang pandaigdig.
- Natutukoy ang mahahalagang pangyayari sa ikalawang digmaang pandaigdig.
- Naiisa isa ang mga dahilan at bunga ng ikalawang digmaang pandaigdig.

Simulan natin ang ating mga gawain sa araling ito sa pamamagitan ng pagsagot sa mga gawaing itinakda ng guro.

GAWAIN 1. Balikan Natin.

Basahin at suriin ang bawat pangungusap. Lagyan ng emoji na thumbs up  kung ang pangyayari ay naganap sa Unang Digmaang Pandaigdig at thumbs down  kung hindi. Isulat sa kwaderno ang inyong kasagutan.

- Ang pagbalangkas sa Labing-apat na puntos ni Pangulong Woodrow Wilson.
- Naganap ang pinakamainit na labanan sa Kanluran, nasakop mula sa hilagang Belhika hanggang sa hangganan ng Switzerland
- "I shall return"
- Mga naging sanhi ng digmaan: Nasyonalismo, Imperyalismo, Militarismo at Pagbuo ng mga Alyansa.
- Ang Pilipinas ay nasangkot sa digmaang ito.

GAWAIN 2. Hula, Hoop!

Isulat sa maliit na hula hoop ang letra ng iyong tamang sagot. Gawin ito sa isang malinis na papel.

- | | |
|----------------------|--------------|
| a. League of Nations | c. Hiroshima |
| b. United Nations | d. Nazism |

- Ito ang tawag sa samahan ng mga bansa na itinatag pagkatapos ng Ikalawang Digmaang Pandaigdig
- Isa sa mga lugar sa Japan na pinasabog ng United States sa pamamagitan ng atomic bomb
- Ito ang ideolohiyang pinairal ni Hitler noong Ikalawang Digmaang Pandaigdig.

(Mababasa sa Learners Manual pahina 470.)

Matapos masagutan ang unang mga gawain. Subukan mo namang gawin ang mga gawaing magpapaunlad pa ng iyong kaalaman sa Ikalawang Digmaang Pandaigdig.

D. Pagpapaunlad (Mungkahing Oras: 1 oras)

Basahin ang teksto na may pang-unawa..

MGA SANHI NG IKALAWANG DIGMAANG PANDAIGDIG (LM pahina 475-476)

Hindi pa man lubusang nakababangon sa mga pinsala ng digmaan ang mga bansa sa daigdig, muling umigting ang mga hidwaan sa pagitan ng mga bansa. Dala na rin ito ng nagsimulang ambisyon ng mga makapangyarihang bansa na maipagpatuloy ang pananakop at pagpapalawak ng kanilang teritoryo. Ang mga pangyayaring naganap at nagpasiklab ng Ikalawang Digmaang Pandaigdig ay ang sumusunod:

Pag-agaw ng Japan sa Manchuria at Paglusob sa Pearl Harbor at Pilipinas

Noong 1931 sa pamumuno ni Emperador Hirohito at kanyang Punong Ministro Hideki Tojo, inagaw ng Japan ang lungsod ng Manchuria. Kinundena ito ng Liga ng mga Bansa, sinabing mali ang ginawang paglusob nito. Kasunod ng pagkundena, itiniwalag sa Liga ng mga Bansa ang Japan. Sinalakay din ng Japan ang Pearl Harbor sa Hawaii na base militar ng Estados Unidos at isinunod ang Pilipinas. Tinawag itong Digmaan sa Pasipiko. Layunin ng Japan na masakop ang buong Timog-Silangang Asya.

Pag-alis ng Germany sa Liga ng mga Bansa

Ang Germany naman ay tumiwalag sa Liga noong 1933 sapagkat ayon sa mga Aleman, ang pag-alis at pagbabawal ng Liga sa pagsasandata ng Germany ay isang paraan ng pag-aalis ng karapatang mag-arms. Matapos tumiwalag, pinasimulan ni Adolf Hitler, lider ng Nazi, ang muling pagtatatag ng sandatahang lakas ng bansa. Layon ni Hitler na labagin ang kasunduan sa Versailles na naglagay sa Germany sa kahiya-hiyang kondisyon. Upang makabangon sa pagkagapi sa Unang Digmaang Pandaigdig, pinagbalakang mabuti ni Hitler ang muling pananakop.

Bilang sagot ng mga bansa sa paghahanda ng Germany, ang France ay nakipag-alyansa sa Russia laban sa Germany. Pinalilitihan naman ng England ang bilang o laki ng puwersa ng Germany. Ngunit sa kabila nito'y nagpadala pa rin sa SONA (tawag sa mga lugar na nasakop ng mga Aleman) ang Germany.

Pagsakop ng Italy sa Ethiopia (Hilagang Aprika)

Sa pamumuno ni Benito Mussolini, sinakop ng Italy ang Ethiopia noong 1935. Tuwirang nilabag ng Italy ang kasunduan sa Liga (Covenant of the League). Ito ang pangarap ni Mussolini na masakop ang Hilagang Aprika.

Digmaang Sibil sa Spain

Nagsimula ang digmaang sibil sa Spain noong 1936 sa pagitan ng dalawang panig: ang pasistang Nationalist Front at ang Sosyalistang Popular Army. Nanalo ang mga Nasyonalista. Marami ang nadamay sa digmaang sibil ng Spain dahil sa pakikialam ng ibang bansa.

Pagsasanib ng Austria at Germany (Anschluss)

Nais ng mga mamamayang Austriano na maisama ang kanilang bansa sa Germany. Ngunit ang pagsisikap na ito ay sinalungat ng mga bansang kasapi sa Allied Powers (France, Great Britain, at United States). Binuo ang alyansang ito upang bigyang proteksyon ang kanilang bansa sa lumalakas na puwersa ng Germany. Dahil sa kasunduan sa pagitan ng Italy at Germany na kinalabasan ng Rome-Berlin Axis noong 1936, ang pagtutol ni Mussolini sa nasabing union ng Austria at Germany ay nawalan ng bisa noong 1938. Nakipagkasundo rin ang Japan sa Germany at Italy kaya nabuo ang Tokyo-Berlin-Rome Axis o kilala bilang Axis Power.

Paglusob sa Czechoslovakia

Noong Setyembre 1938, hinikayat ni Hitler ang mga Aleman sa Sudeten ng pagsikapan na matamo ang kanilang awtonomiya. Dahil dito, hinikayat ng England si Hitler na magdaos ng isang pulong sa Munich. Ngunit nasakop ni Hitler ang Sudeten at noong 1939, ang mga natitirang teritoryo sa Czechoslovakia ay napunta rin sa Germany.

Paglusob ng Germany sa Poland

Huling pangyayari na nagpasiklab sa Ikalawang Digmaang Pandaigdig ang pagsakop ng Germany sa Poland noong 1939, kung saan tahasang nilabag ni Hitler ang kasunduan sa Versailles. Ang pagsakop na ito ay pagbaligtad din ng Germany sa Russia sa kapuwa pumirma sa kasunduang Ribbentrop-Molotov, isang kasunduan nang hindi pakikidigma sa kasunduan ding ito nagpasay na hatiin nila ang Poland.

Sa patuloy na labanan ng mga bansa unti unti ring natalo ang Axis Power kung saan ang Japan ang pinakahuling sumuko. Hinulugan ng unang bomba atomika ang Hiroshima, Japan noong Agosto 6, 1945 at ang pangalawa ay sa Nagasaki. Nagtapos ang Ika-2 Digmaang Pandaigdig noong September 2, 1945 kung saan sumuko ang Japan, naganap ang kasunduan sa sasakyang pandigma ng US, ang Missouri na nakadaong sa Tokyo, Japan. Ito ay sa pamumuno ni Gen. Douglas Mac Arthur.

Mga Bunga ng Ikalawang Digmaang Pandaigdig

1. Ang Ikalawang Digmaang Pandaigdig ay nagdulot ng malaking pagbabago sa kasaysayan ng daigdig.
2. Malaki ang bilang ng mga namatay at nasirang ari-arian. Tinatayang halos 60 bansa ang naapektuhan ng digmaan at higit na mas marami ang namatay kaysa Unang Digmaang Pandaigdig.
3. Natigil ang pagsulong ng ekonomiyang pandaigdig dahil sa pagkawak ng agrikultura, industriya, transportasyon, at pananalapi ng maraming bansa.
4. Bumagsak ang pamahalaang totalitaryang Nazi ni Hitler, Fascismo ni Mussolini, at Imperyong Japan ni Hirohito.
5. Nagpatibay ang simulaing *command responsibility* para sa pagkakasalang nagawa ng mga opisyal ng bayan at mga pinunong militar.
6. Naging daan ito ng pagsilang ng malalayang bansa – ang East Germany, West Germany, Nasyonalistang China, Pilipinas, Indonesia, Malaysia, Ceylon, India, Pakistan, Israel, Iran, Iraq, at iba pa.
7. Naitatag ang Nagkakaisang mga Bansa noong Oktubre 24, 1945 na pinangunahan ng Estados Unidos upang mapanatili ang kapayapaan sa buong daigdig

8. Ang kabuuang napinsala sa mga ari-arian ay inabot ng mahigit 1 trilyong dolyar
9. Nakilala ang tatlong lider na tinatawag na **The Big Three**; Franklin Roosevelt (Amerika), Winston Churchill (Inglaterra) at Joseph Stalin (Rusya)

(Halaw sa AP III EASE Module ph.41 – 45/ Ipagpatuloy ang pagbasa ng teksto sa pahina ng LM 478-48)

GAWAIN 3: Punan ang talahanayan.

Batay sa binasang teksto. Pangkatin ang mga bansang nasakop noong ikalawang digmaang pandaigdig ayon sa sa mga pinunong sumakop sa kanila. Isulat ang inyong mga kasagutan sa isang malinis na papel

Poland Ethiopia Pilipinas Czechoslovakia Manchuria Hawaii

HITLER	MUSSOLINI	HIROHITO

Pamprosesong mga katanungan

1. Kailan sila nanakop ng mga bansa?
2. Ano ang kanilang mga pangunahing dahilan at nanakop sila ng mga bansa?
3. Bakit ang mga bansang ito ang kanilang napiling sakupin?

GAWAIN 4: Tukuyin ang mga pangalan at konseptong inilalarawan sa pamamagitan ng paglalagay ng wastong letra sa bawat kahon. Isulat ang sagot sa isang malinis na papel.

1. Pagkakampihan ng mga bansa na may pare-parehong paniniwala at hangarin

A Y A

2. Bansaang nakipag alyansa sa Russia laban sa Germany

F A E

3. Kasunduang nilabag ni Adolf Hitler.

V S S

4. Alyansang binubuo ng France, Great Britain at United States

A D P R

5. Lider na nagpasimula sa Ikalawang Digmaang Pandaigdig

H T R

6. Lugar sa Japan kung saan unang ibinagsak ang bomba atomika noong Agosto 6, 1945.

H R S

7. Himpilan ng hukbong dagat o base militar ng Estados Unidos sa Hawaii.

P L A R

8. Pinaghatian ng Germany at Russia nang walang labanan.

P L D

9. Tawag sa ideolohiyang pinairal ni Mussolini sa Italy


F C M

10. Punong ministro ng Japan.

H D I T J

GAWAIN 5: CONCEPT MAP

Isulat ang mga mahahalagang pangyayaring naganap sa Ikalawang Digmaang Pandaigdig sa mga piling lugar kung saan naganap ang digmaan. Isulat ito sa isang malinis na papel.



GAWAIN 6: Sanhi at Bunga:

Unawain ang talahanayan na may kaugnayan sa naging sanhi at bunga ng IKALAWANG DIGMAANG PANDAIGDIG. Ipaliwanag ang mga salitang may kaugnayan sa mga pangyayari sa pamamagitan ng dalawa hanggang tatlong pangungusap. Isulat ang inyong mga kasagutan sa isang malinis na papel

PANGYAYARI	SANHI	BUNGA
BLITZKRIEG		
LEND LEASE		
TREATY OF VERSAILLES		
DAY OF INFAMY		

E. Pakikipagpalihan (Mungkahing Oras: 30 minuto)

GAWAIN 7: Vlog Ko Sulat ko!

Kung ikaw ay mabibigyan ng pagkakataon na maging isang Peace Ambassador, at magkakaroon ka ng Vlog ano ang nais mong ipatid sa buong mundo upang makamit ang kapayapaan. Para sa ODL gawan ng video ang iyong gawain at para naman sa MDL, isulat ang iyong nais na ipatid sa buong mundo upang makamit ang kapayapaan ito. Sumulat ng 5 o higit pang pangungusap sa isang malinis na papel.

A. Paglalapat (Mungkahing Oras: 30 minuto)

GAWAIN 8. OPINYON KO!

Base sa iyong karaniwang nararanasan at nakikita sa paligid o lugar na tinitirhan sa kasalukuyang panahon at sa mga natutunan mo sa paksang ating tinalakay. Masasabi mo ba na isang digmaan itong ating nararanasang pandemic. Sumulat ng isang sanaysay o isang pagguhit na nagpapakita kung paano malalabanan ang Covid 19 at paano makontrol ang pagdami o pagkalat sa inyong lugar. Gawin ito sa isang malinis na papel. Sa pagsulat ng sanaysay, bumuo ng lima o higit pang pangungusap, sa pagguhit ipaliwanag kung bakit ito ang iyong nais iguhit.

Pamantayan sa pagbibigay grado sa ginawang Gawain (Rubriks)

Nilalaman	8
Pagkamalikhain	7
Organisado	5
Kabuuan	20

V. PAGTATAYA (Mungkahing Oras: 30 minuto) (Ang mga Gawain sa Pagkatuto para sa Pagpapayaman, Pagpapahusay, o Pagtataya ay ibibigay sa ikatlo at ikaanim na linggo)

Basahin at suriing mabuti ang bawat pangungusap. Isulat ang **S** kung ang pahayag ay sanhi ng Ikalawang Digmaang Pandaigdig at **B** kung bunga. Isulat ang sagot sa sagutang papel.

- Natigil ang pagsulong ng ekonomiyang pandaigdig dahil sa pagkawasak ng agrikultura industriya at transportasyon.
- Paglusob ng Germany sa Poland.
- Malaki ang bilang ng mga namatay at nasirang ari-arian.
- Bumagsak ang pamahalaang totalitaryang Nazi ni Hitler, Fascismo ni Mussolini at Imperyong Japan ni Hirohito.
- Pag-alis ng Germany sa Liga ng mga Bansa.

VI. PAGNINILAY (Mungkahing Oras: 30 minuto)

- Ipabatid ang iyong personal na pagtatasa sa kard ayon sa lebel ng iyong performans.

Personal na Pagtatasa sa Lebel ng Performans Para sa Mag-aaral

Pumili ng isa sa mga simbolo sa ibaba na kakatawan sa iyong naging karanasan sa pagsasagawa ng mga gawain. Ilagay ito sa Hanay ng LP o Lebel ng Performans. Basahin ang deskripsiyon bilang gabay sa iyong pagpili:

- ☆ - Nagawa ko nang mahusay. Hindi ako nahirapan sa pagsasagawa nito. Higit na nakatulong ang gawain upang matutuhan ko ang aralin.
- ✓ - Nagawa ko nang maayos. Nahirapan ako nang bahagya sa pagsasagawa nito. Nakatulong ang gawain upang matutuhan ko ang aralin.
- ? - Hindi ko nagawa o nahirapan ako nang labis a pagsasagawa nito. Hindi ko nauunawaan ang hinihingi sa gawain. Kailangan ko pa ng paglilinaw o dagdag kaalaman upang magawa ko ito nang maayos o mahusay.

Gawain Sa Pagkatuto	LP	Gawain Sa Pagkatuto	LP	Gawain Sa Pagkatuto	LP	Gawain sa Pagkatuto	LP
Bilang 1		Bilang 3		Bilang 5		Bilang 7	
Bilang 2		Bilang 4		Bilang 6		Bilang 8	

VII. SANGGUNIAN

ARALING PANLIPUNAN KASAYSAYAN NG DAIGDIG pahina 475-483

Inihanda ni:

CHARITY A. NOBLE

Sinuri nina:

ALMA A. BALAJADIA
FE J. ROSARIO
ARLEEN D. CANAPI

